

Exposiziun da recuors in connex culla revisiun parziela da la planisaziun locala

Applichand l'art. 48 al. 4 da la Ledscha chantunela davart la planisaziun dal territori (LPTGR) ho lö l'exposiziun da recuors in connex culla revisiun parziela da la planisaziun locala chi'd es gnida decisa als 8 december 2022 da la radunanza cumünela.

Fatschenda: revisiun parziela da la planisaziun locala concernent la ledscha da fabrica

Actas d'exposiziun

- ledscha da fabrica
- legenda plaun da zonas
- legenda plaun generel da furmaziun
- legenda plaun generel d'avertüra
- rapport da planisaziun e cooperaziun

Temp d'exposiziun 30 dis (dals 13 schner 2023 als 13 favrer 2023)

Lö d'exposiziun/uras d'avertüra

Chesa cumünela da Samedan, Plazzet 4, 7503 Samedan, local da publicaziun sül plaun terrain, düraunt las uras d'avertüra. Las actas d'exposiziun paun eir gnir consultedas scu documaint da PDF sün www.samedan.ch illa rubrica publicaziuns uffielas.

Recuors da planisaziun

Persunas chi haun ün egen interess degn da protecziun da contestar la planisaziun u chi sun legitimadas da fer que tenor ledscha federela, paun inoltrer in scrit lur recuors da planisaziun cunter la planisaziun locala, e que infra 30 dis a partir da la data da publicaziun a la regenza.

Organisaziuns per la protecziun da l'ambient

Organisaziuns per la protecziun da l'ambient exerciteschan lur dret da recuors confuorm a l'art. 104 al. 2 LPTGR. Que vuol dir ch'ellas annunzchan lur partecipaziun a la procedura infra il temp da recuors tar l'Uffizi chantunel pel svilup dal territori (UST) ed inoltreschan alura eventuelmaing lur pusiziun.

Samedan, ils 5 schner 2023

In nom da la suprastanza cumünela
Gian Peter Niggli, president cumünel
Claudio Prevost, actuar cumünel